



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Q.

urn:nbn:de:hbz:466:1-42790

enim decimus quintus episcopus, Pontianī & Agnetis sancta corpora secum ex Italia transtulit, ac in Traiectensi ecclesia honestē ingenti deuotione reposuit. Obiit is præsul anno nonagesimo septuagesimo septimo.

Poppo abbas Stabulensis non est canonizatus. quibus tamen virtutibus & miraculis claruerit, ex historia ipsius cognosci potest, quam Surius habet die vigesima quinta Ianuarij.

Sanctus QVINIBERTVS cōfessor, Prior fuit in Salesio, iuxta Quercetū, in Prioratu Mariolensiū. Vbi permultis claruit miraculis. Festum eius recolitur ibi, & Maricolis, die 18. Maij. Loca sunt diœcesis Cameracensis in Hannonia.

Sanctus RADBODVS, episcopus Ultraiectensis, & cōfessor, fuit vir sanctus, pius, & doctus, & iuxta nomē suum Teutonicū, consilij nuncius, sine magni consilij angelus. Inter alia conscripsit flores de primis Traiectensibus episcopis, Vuillibordo & Bonifacio. In graui Danorū persecutio-ne Traiectensem ecclesiam gratiosè rexit, anni septendecim; sed propter Traiecti desolationem, quod propheticō spiritu præuidit per successorem restaurandū, Dauētriæ sedere cōsuevit, vbi etiam honorificè est tumulatus, per clerum & populum, anno nonagesimo decimo septimo: multisq; miraculis & beneficijs claruit. Natalis est tertio Calendas Decēbris. Trāslatio, septimo Calendas Iulij.

Sanctus Radfridus martyr, ponitur cum Vuallfrido martyre.

Sancta RAGENFREDIS virgo patrem habuit Aldebertum, Comitem Austrouandiæ; matrem, sanctam